

樂府雅詞附拾遺
一



新刊增補

一

樂府雅詞

附拾遺

(一)

曾慥編

樂府雅詞

余所藏名公長短句。哀合成篇。或後或先。非有詮次。多是一家。難分優劣。涉諧謔則去之。名曰樂府雅詞。九重傳出。以冠於篇首。諸公轉踏次之。歐公一代儒宗。風流自命。詞章幼眇。世所矜式。當時小人。或作豔曲。謬爲公詞。今悉刪除。凡三十有四家。雖女流亦不廢。此外又有百餘闕。平日膾炙人口。咸不知姓名。則類於卷末。以俟詢訪。標目拾遺云。紹興丙寅上元日溫陵曾慥引。

樂府雅詞目錄

卷一

轉踏

集句調笑

調笑

九張機

大曲

道宮薄媚

董穎

卷二

歐陽永叔

八十三首

王介甫

十三首

晁無咎

二十八首

李元膺

八首

鄭彥能

案彥能名僅

同前

晁無咎

張子野

十一首

卷三

周美成

二十九首

陳瑩中

十七首

徐師川

十七首

賀方回

四十六首

舒信道

四十八首

卷四

葉少蘊

五十五首

趙德麟

二十三首

王履道

十八首

晁次膺

十九首

晁叔用

十四首

卷五

陳去非

十八首

蘇養直

二十三首

李蕭遠

十四首

呂居仁

十九首

毛澤民

十二首

曾公袞

九首

李景元

八首

向伯恭

十四首

謝無逸

二十二首

卷六

朱希真

十九首

沈會宗

十六首

陳子高

三十六首

趙子發

十首

曹元寵

三十一首

魏夫人

十首

李易安

二十三首

拾遺上

聲聲慢

二首

念奴嬌

南歌子

五首

虞美人

感皇恩

傳言玉女

魚游春水

五綵結同心

清平樂

翻香令

侍香金童

踏莎行令

折新荷引

蘇幕遮

瀟湘憶故人慢

洞仙歌

點絳脣

倦尋芳慢

清平樂

減字木蘭花

鷓鴣天

滿庭芳二首

瑤池宴令

霜葉飛

蝶戀花

永遇樂

洞仙歌

阮郎歸

念奴嬌

虞美人

選冠子

感皇恩

虞美人令

花心動

八寶妝

轉調滿庭芳

綠頭鴨

西江月二首

虞美人

西江月

漢宮春

洞仙歌

轉調二郎神

宴清都

水調歌頭

鳳棲梧

千秋歲

青玉案

點絳脣

眼兒媚

青玉案

浣溪沙

洞仙歌

婆羅門引

聲聲慢

菩薩蠻

相思令

南歌子

減字木蘭花

小重山

燭影搖紅

好事近

踏青遊

小重山

點絳脣

南歌子

菩薩蠻

清平樂

西江月

南鄉子

減字木蘭花

浣溪沙二首

燭影搖紅

臨江月

好事近

阮郎歸

烏夜啼

殢人嬌二首

西江月

浣溪沙

點絳脣

長相思令

透碧霄

卜算子

憶眞妃

南鄉子

鳳棲梧

歸自謠

卜算子三首

好事近

昭君怨

滿江紅

謁金門

拾遺下

寶鼎現

曼洞作

杜韋娘

摸魚兒

天香

滿庭芳

瀟湘靜

十月桃

漢宮春三首

燭影搖紅

風流子二首

夏日燕巖堂

漁家傲

醉春風

卓牌兒

喜遷鶯

南鄉子二首

望遠行

歸田樂

臨江仙

行香子

西江月

回文

訴衷情二首

雨中花

遶池遊

好事近三首

清平樂

青門引

阮郎歸

點絳脣二首

海棠春

眼兒媚

宴桃源

燕歸梁

探春令

祝英臺

鷓鴣天四首

憶真妃

夜遊宮

楊柳枝

攤破浣溪沙

浣溪沙二首

一翦梅

卜算子二首

憶王孫

減字木蘭花

二首

鶴沖天二首

生查子二首

玉樓春

南歌子三首

樂府雅詞卷一

宋曾 慥編

調笑集句

蓋聞行樂須及良辰。鍾情正在吾輩。飛觴舉白。目斷巫山之暮雲。
綴玉聯珠。韻勝池塘之春草。集古人之妙句。助今日之餘歡。

珠流璧合。暗連文。月入千江。體不分。此曲只應天上有。歌聲豈
合世閒聞。

巫山

巫山高高十二峯。雲想衣裳花想容。欲往從之不憚遠。丹峯碧障
深重重。樓閣玲瓏五雲起。美人娟娟隔秋水。江天一望楚天長。滿
懷明月人千里。

千里楚江水。明月樓高愁獨倚。井梧宮殿生秋意。望斷巫山十二雪。肌花貌參差是。朱閣五雲仙子。

桃源

漁舟容易入春山。別有天地非人間。玉顏亭亭花下立。鬢亂釵橫特地寒。留君不住君須去。不知此地歸何處。春來徧是桃花水。流水落花空相誤。

相誤。桃源路。萬里蒼蒼烟水暮。留君不住君須去。秋月春風閒度。桃花零亂如紅雨。人面不知何處。

洛浦

豔陽灼灼河洛神。態濃意遠淑且真。入眼平生未曾有。緩步佯羞行玉塵。凌波不過橫塘路。風吹仙袂飄飄舉。來如春夢不多時。天非花豔輕非霧。

非霧。花無語。還似朝雲何處去。凌波不過橫塘路。燕燕鶯鶯飛舞。風吹仙袂飄飄舉。擬倩遊絲惹住。

明妃

明妃初出漢宮時。青春繡服正相宜。無端又被東風誤。故著尋常淡薄衣。上馬卽知無返日。寒山一帶傷心碧。人生憔悴生理難。好在氈城莫相憶。

相憶。無消息。日斷遙天雲自白。寒山一帶傷心碧。風土蕭疎胡國。長安不見浮雲隔。縱使君來爭得。

班女

九重春色醉仙桃。春嬌滿眼睡紅綃。同輦隨君侍君側。雲鬢花顏金步搖。一霎秋風驚畫扇。庭院蒼苔紅葉遍。藥珠宮裏舊承恩。回首何時復來見。

來見。禁宮殿。記得隨班迎鳳輦。餘花落盡蒼苔院。斜掩金鋪一片。千金買笑無方便。和淚盈盈嬌眼。

文君

錦城絲管日紛紛。金釵半醉坐添春。相如正應居客右。當軒下馬入錦裯。斜倚綠窗鴛鑒女。琴彈秋思明心素。心有靈犀一點通。感君綢繆逐君去。

君去。逐鴛侶。斜倚綠窗鴛鑒女。琴彈秋思明心素。一寸還成千縷。錦城春色知何許。那似遠山眉嫵。

吳孌

素枝瓊樹一枝春。丹青難寫是精神。偷啼自搵殘妝粉。不忍重看舊寫真。珮玉鳴鸞罷歌舞。錦瑟華年誰與度。暮雨瀟瀟郎不歸。含情欲說獨無處。

無處。難輕訴。錦瑟華年誰與度。黃昏更下瀟瀟雨。況是青春將暮。花
誰無語。鶯能語。來道曾逢郎否。

琵琶

十三學得琵琶成。翡翠簾開雲母屏。暮雨朝來顏色故。夜半月高
絃索鳴。江水江花豈終極。上下花閒聲轉急。此恨綿綿無絕期。江
州司馬青衫濕。

衫濕。情何極。上下花閒聲轉急。滿船明月蘆花白。秋水長天一色。芳
年未老時難得。目斷遠空凝碧。

放隊

玉爐夜起沈香烟。喚起佳人舞繡筵。去似朝雲無處覓。游童陌上
拾花鈿。

調笑轉踏

鄭彥能

良辰易失。信四者之難并。佳客相逢。實一時之盛事。用陳妙曲。上助清歡。女伴相將。調笑入隊。

秦樓有女。字羅敷。二十未滿十五餘。金環約腕。攜籠去。攀枝折葉。城南隅。使君春思如飛絮。五馬徘徊芳草路。東風吹鬢。不可親。日晚蠶餓欲歸去。

歸去。攜籠女。南陌柔桑三月暮。使君春思如飛絮。五馬徘徊頻駐。蠶餓日。晚空留顧。笑指秦樓歸去。

石城女子名莫愁。家住石城西渡頭。拾翠每尋芳草路。採蓮時過綠蘋洲。五陵豪客青樓上。醉倒金壺待清唱。風高江闊白浪飛。急催艇子操雙槳。

雙槳。小舟蕩。喚取莫愁迎疊浪。五陵豪客青樓上。不道風高江廣。千金難買傾城樣。那聽繞梁清唱。

繡戶朱簾翠幕張。主人置酒宴華堂。相如年少多才調。消得文君
暗斷腸。斷腸初認琴心挑。么絃暗寫相思調。從來萬曲不關心。此
度傷心何草草。

草草。最年少。繡戶銀屏人窈窕。瑤琴暗寫相思調。一曲關心多少。臨
邛客舍成都道。苦恨相逢不早。

涇涇流水武陵溪。洞裏春長日月遲。紅英滿地無人掃。此度劉郎
去後迷。行行漸入清流淺。香風引到神仙館。瓊漿一飲覺身輕。玉
砌雲房瑞烟暖。

烟暖。武陵晚。洞裏春長花爛漫。紅英滿地溪流淺。漸聽雲中鷄犬。劉
郎迷路香風遠。誤到蓬萊仙館。

少年錦帶佩吳鉤。鐵馬迎風塞草秋。憑仗匣中三尺劍。掃平驕虜
取封侯。紅顏少婦桃花臉。笑倚銀屏施寶靨。明眸妙齒起相迎。青